

խաւ» (անդ)։ — Յունուար 29. «Քօմուրնու սղան (Տէր Մարտիրոսն) զարձեալ զայրացոյց զմեզ, վասն իմ մեղացն է» (Թղ. 142բ)։ — Փետրուար 5. «Յետ ժամուն Քօմուրնին աւելի եւ պահաս՝ ընդ ճանսուղին» (անդ)։ — Փետր. 16. «Քօմուրնուն սղան եկաւ գինով, բայց ճանապարհին շատ ծեծ էին տուած թուրքերն նորա» (Թղ. 143ա)։ — Մարտ 7. «Ի մէջ երեկոյի ժամին Քօմուրնու սղան եկաւ՝ խենթութիւն արաւ» (Թղ. 143բ)։ — Մայիս 10. «Գրիգոր սարկաւազն և բազումք ի ճաշ, և Քօմուրնին և Իսրայէլ էրէցն գինով օրտուէն եկին» (Թղ. 146ա)։ — Յունիս 13. «Քօմուրնի Գեորգի (Տէր Մարտիրոս) առ մեզ աճամ իրիցոյն, և ելեալ զնացին» (Թղ. 147ա)։ — Դեկտ. 18. «Սեզան ի Տեր Մարտիրոսն» (Թղ. 153բ)։ — Դեկտ. 19 և 20. «Հաց ի Տեր Մարտիրոսն» (անդ)։ — Դեկտ 24. «Քօմուրնոյ Տեր Մարտիրոսի կինն խաչահաթին քէսէ ողարկեց» (Թղ. 154ա)։ — 1699 Փետր. 16. «Տէր Մարտիրոսն փախլալա» (Թղ. 232ա)։ — 1700 Յունիս 4. «Մարտիրոս երեցն եկաւ ի Սուլիմանաստիր. մուզուր գրին ի վերայ նորա. փախեր էր ի կորուստն՝ չէին գտած զնա» (Թղ. 245ա)։ — Նոյ. 11. «Հարսանիք Տեր Մարտիրոսի աներձագ Աստուածատուրն» (Թղ. 249ա)։ — 1701 Յունուար 8. «Տեր Մարտիրոսն փախլալա էր ողարկեր մեզ» (Թղ. 251ա)։ — Փետր. 12. «Տեր Մարտիրոսն եկաւ. խելօքացել լաւ» (Թղ. 252ա)։

Այսքան են Տէր Մարտիրոսի մասին Ամգեցիի յուշագրութիւնները։ Ամենէն վերջինով, գրուած Երուսաղէմի մէջ 1703 Հոկտ. 7ին, կ'արձանագրէ անոր մահը, որ տեղի ունեցած է Կ. Պոլսոյ մէջ նոյն տարուան Օգոստոս 16ին, Վերափոխման տօնի մեռելոցի օրը. «Լուաք զՔօմուրնի Տեր Գեորգի (Տէր Մարտիրոսին) զմահն՝ Աստուածածնի երկուշաբթին» (Թղ. 284բ)։